

肯庵自敘年譜

肯庵自敘年譜

基自維薄植無足指名顧登失怙恃坎壈萬端
進士通籍佛陞舊德實幸且慙因將自幼迄今逐年
載筆綴辭述事傳示方來俾知家庭興替勢若轉圜
身世升沈形同反掌允宜觸目而警心庶幾承先而
啟後爾將基亦堂氏題

乾隆八年癸亥一歲

是年十一月三十日亥時基生於蘇郡城內史家巷
西偏新居之有穀堂生母方太孺人常熟人是時曾祖

坦庵公

諱文源字審友
吳庠廩貢生

曾祖母張太恭人在堂居東

偏老宅祖紫濱公

諱觀光字子賓
康熙壬午科舉人

祖母張太孺人

先謝世府君敦人公

諱應燭字元揆
隆己未科進士

奉繼祖母趙

太孺人居新宅嫡母慕太孺人亦先謝世大兄培字

吉號

已娶韓氏嫂與二兄均

字方平
號綠筠

三兄奎字丹山
號凝齋

俱延師肄業家塾四兄塤

字步瀛
號石樵

生七月中與余同

庚庶母徐太孺人出嫡母出大姊歸鐵瓶巷戴氏

夫姊

名懋字

二姊歸崑山徐氏

姊夫名德諒字尹達
號桂門崑庠廩貢生大司寇健

慎幾

孫庵公三姊四姊五姊庶母六姊竝在室自曾祖坦庵

公治第史家巷有兩宅曰亦政堂曰庸德堂別置有
穀堂府君教人公移眷居焉衡宇相望家業隆隆兼
以紫濱公教人公兩代科甲鄉里豔之鄰居吳荆山
先生名士玉康熙官尚書沈毅齋名志祖乾隆礪齋
名慰祖雍正先生凌西京先生名錫乾隆先後官
庚戌科進士翰林沈蓉溪先生名景瀾雍正官御史顧氏雅園擅
一時之勝簪裾鱗集軒蓋雲屯時稱史家巷為富貴

巷或但呼巷上云

九年甲子二歲

是年綠筠兄娶沈氏嫂即礪齋先生女也

十年乙丑三歲

是年府君教人公以中翰需次入都未幾歸

十一年丙寅四歲

是年曾祖坦庵公曾祖母張太恭人相繼卒府君教人公為承重孫主喪禮

十二年丁卯五歲

是年秋崖兄以援例鹽運分司揀發長蘆試用凝齋兄出贅淮安程氏

十三年戊辰六歲

與石樵兄出就外傳師為陳亶初先生名熾余故中下
資而氣息差沈靜初執贄時師即以有成券焉是年
葬曾祖坦庵公曾祖母張太恭人於長洲縣長涇廟
新阡

十四年己巳七歲

是年三姊歸封門彭氏姊夫名紹觀字容若號鏡瀾
侍讀學士大司秋崖兄罷官歸
馬芝庭公子

十五年庚午八歲

是年春正月初十日午時生母方太孺人卒先是有
鄉嫗張姓者善事太孺人方太孺人病革時方君府教
人公來眎太孺人牽余袂而丐府君曰妾即死是呱
呱者非人曷生幸無遣張嫗府君揮淚領之余既為
無母兒一切衣食起居悉張嫗為之調護逮後府君
捐館舍余依諸兄以居張嫗則仍朝夕視余至丙子
年乃去時余年十四歲越歲丁丑余始出門自是南
隨北逐林枝靡定鷦巢矣張嫗又十餘年而死後戊

申年余為作張嫗小傳

載恭壽
堂文集

十六年辛未九歲

是年四姊歸齊門金氏

姊夫名廷遠字亦范

十七年壬申十歲

是年葬祖紫濱公祖母張太孺人於長洲縣吳家橋

新阡初府君敦人公命秋崖公析居接駕橋

俗名屈家橋

悅來當屋中丙寅年曾祖坦庵公即世後分授府君之產也是時仍遷歸有穀堂老宅於是當業遽停家

道中落焉

十八年癸酉十一歲

是年春凝齋兄自淮安移眷歸蘇旋於是冬遷居太

倉夏秋崖兄游河南留舅氏慕修涪先生

名豫生字崇士雍正

庚戌進士官河陰令署中
蘭州太守

十九年甲戌十二歲

是年夏五月二十三日戌時府君敦人公平時秋崖

兄留河南凝齋兄遷太倉在牀前者惟綠筠兄及石

樵兄與余兩幼子耳旋秋崖兄奔喪回凝齋兄亦仍

歸郡城余居秋崖兄處於時諸兄弟咸聚處一堂而

靈椿凋隕室政瓜分有一蹶不復振之勢矣

二十二年乙亥十三歲

是年府君教人公嫡母慕太孺人合葬即以祖紫濱
公丙舍基地為宅兆諸兄謂府君遺命也生母方太
孺人亦權厝墳旁五姊歸長興朱氏姊夫名鈴字發
六號蔬枰乾隆
壬辰科進士官翰林是秋余居綠筠兄處受業於錢用之先生
名用吳
江庠生

二十一年丙子十四歲

是年秋余居凝齋兄處受業於許東發先生
名庠生 吳

二十二年丁丑十五歲

是年春凝齋兄復遷淮安余隨行夏余始作文題不
遠千里而來破云千里而見王其勞亦甚矣師曰出
筆回圖將來是能文之士字余曰亦堂名曰基取尚
書肯堂肯構有後弗棄基之義故余別號曰肯庵也
初凝齋兄念自蘇距淮路遙恐余弗任跋涉議令余
留蘇依繼祖母趙太君同啟處會太倉沈敬亭先生
名起元字子大康熙辛丑進士由直隸布政使內官光祿寺卿于役吳郡下榻余家
聞之謂凝齋兄曰令弟年少正須讀書不可不挈以
偕往余由是起京口泝廣陵盼英風於韓侯仰高義

於漂母益一生遠游發軔之初而終得銳志求名誦
先芬而躋仕版者實自光祿公片語始其之矣敬亭
先生於凝齋兄為內姍余初未嘗識面也冬六姊歸

閨門外汪氏姊夫名師字宇輝號香石官湖北羅田縣尉

二十三年戊寅十六歲

在淮安塾師為唐邵評先生名曰旦鎮洋庠歲貢生是年余作

文成篇冬回蘇

二十四年己卯十七歲

春復至淮安凝齋兄處秋回蘇居秋崖兄處仍從錢

用先生游

二十五年庚辰十八歲

春應童子試被落秋讀書封溪彭氏即三姊家也時
姊夫鏡瀾先生里居余欲託其薦訓蒙館以為肄業
計姊歸具述此意先生曰汝弟尚能讀書乎少年初
學安得好為人師盍從吾游試舉其所為文示我及
見余文深加契賞因令就其家受業焉為文務從清
真雅正不取浮豔而宅衷砥行醇懿端謹不獨學問
過人先府君少快壻先生其一也溯孤露以來門祚

親零幾至廢字自蒙拂拭漸歷坦途蓋隴西公實余
生平第一知己矣

二十六年辛巳十九歲

是年彭鏡瀾姊夫服闋攜眷補官將挈余北行詣余
家與諸兄商行止會兄輩他往命司閤老僕陳俊者
道所以陳僕曰此舉乃郎君發迹之兆願我公始終
卯翼之我先公且冥感於九原矣抑老奴禱祀求者
毋庸躊躇為也先生至京師延孝廉邵遠廬先生一名
聯字款之乾隆癸未為師余與外甥希范字嘉材乾
科進士官許州知州

隆甲午科

舉人官廣東同受業遷廬師年十五即登賢書天安
合浦縣知縣穎異學殖淵通尤邃於詩古余譙陋不文而叶韻尋
章粗知崖略先生指授之力居多

二十七年壬午二十歲

在京師是年石樵兄娶徐氏嫂

二十八年癸未二十一歲

在京師是年邵遷廬師成進士南歸彭鏡濶姊夫為余

評點課文

二十九年甲申二十二歲

在京師是年彭鏡瀾婦夫廷中翰沈漁村先生名杰字漢
雄乾隆己卯科舉人為師仍與甥希范同受業漁村
官中書陞主事
師為文嵌空玲瓏無一鈍置語余文傷平直真換骨
金丹也是春綠筠兄嫂沈孺人卒

三十年乙酉二十三歲

在京師是年接繼祖母趙太孺人春正月訃音秋九
月南歸時秋崖兄往從父時庵先生名元益字漢卿
士官兵部
右侍郎
山東學使署旋至京師游河南余家有穀
堂住宅售於族祖蘭石公名植字允升許訟長邑余名竝

牽連訟牒中明年春奉邑侯某公庭訊差押出房嗣奉

郡伯某公檄飭親族議處諸親長以余雖未分房價

而得主按數清交未便令其重出蘭石公已下世年

餘從父克猷公主余銀二百四十兩迨戊子年始給

予焉後庚寅年余由內家從歸城內零星費去四十

金存貯親串家每年獲子金三十餘兩藉以資衣食

而瞻妻孥迄今乙未年余既成進士歸自京師而此

戔戔者猶完好如故則內子吳孺人數以籌算之苦

心矣是冬詔從祖辛齋公名重光字子官於庸德堂

府庠歲貢生

公為先祖紫巖公胞弟敦孝友瞻文詞課子孫嚴而有法時延孝廉劉芝田先生名大年字含元乾隆壬午科舉人官金山學訓導為師預訂余於明年至其家與長孫宗維從弟名元城元庠同學附貢生

三十一年丙戌二十四歲

在庸德堂從劉芝田先生游是年辛齋公邀集族中子姓每月兩舉文會余文深為芝田師所許可以必中決焉師南省南魁健於文時流推重劇論揣摩秘要余心摹力追竊自謂頗盡其妙也冬葬繼祖母趙

太孺人於吳家橋壽穴與石樵兄遷居齊門新橋下
塘高堂邃宇拱手付人破屋數椽僅蔽風雨因於敗
簾中檢得延芬樓書目一冊延芬樓者先府君教人
公藏書處也玉軸牙籤價盈累萬今已剝滅無存余
於是賦冬日移居詩四章延芬樓書目歌一篇以志
感焉載恭壽堂詩集蓋自府君見背後屈指十餘年間先業
蕩然貌是燒孤惟有拊膺浩歎而已

三十二年丁亥二十五歲

在庸德堂舉之會如故是年辛齋公延沈三村師課

從父豫川

名曰榮
府庠生

從弟萬資

名元瑄
元庠生

漁村

即適館時

為余言有友人吳鰲夫

名景字
方旭

來晤齒及賤名有俯

結絲蘿之意蓋鰲夫先生故儒家子令祖勉齋公

名顧

字

官

麻城縣知縣

以拔萃科起家為清白吏先生稟承世

業蚤歲掉鞅文壇與漁村師同學屢試不售遇艱而

心益壯慎於擇壻知余亦儒家子而未嘗廢學故弗

以寒素嫌爰於是冬締姻並即就婚內子為鰲夫先

生次女生於乾隆十三年十一月十六日酉時年二

十性溫而貌淑嫺會計喜文詞兼通史傳大義是時

內母朱孺人謝世二年內子奉嚴君命綜理家常井
臼親操已久齏鹽風味甘之如飴其為貧家婦固相
稱也余一身孑立長物都無兩年來卜居受室將伯
之助惟辛齋公是賴云是年縉筠兄往河南舅氏慕
修瀄先生署時舅氏已陞許州牧秋崖兄亦在署中

三十三年戊子二十六歲

在庸德堂夏四月辛齋公卒公自甲戌年嬰疾卧牀
已十有餘載雖手足拘攣而神明不衰堪擋家務酬
接賓朋纖悉必周備至稽古論文尤娓娓弗倦書

數萬餘卷蓋視余家庭芬樓為更富余之就學也方
冀追隨師長日邁月征詎公一旦而洒然化去乎余
為賦輓詩四章載恭壽堂詩集比時余遂假館內家自課外
舅吳齋夫先生自崇川幕中回昕夕辨難弗致貽孤
陋譏冬十月二十四日未時長女生

三十四年己丑二十七歲

在內家冬十月長女痘傷余作斷句十首哭之載恭壽堂

詩集

三十五年庚寅二十八歲

春外舅吳鵠夫先生赴貴州遵義守幕余送至昆陵
驛而別三月遷歸新橋里與石樵兄同居秋八月初
九日戌時長子士鈐生

三十六年辛卯二十九歲

春正月復之京師二月抵京仍寓彭鏡瀾姊夫邸第
以課文就正焉是時余既室家鈐兒甫生半載婦少

子穉未忍遽出門吳孺人力憊患之計始決是年秋

崖兄自河南道山東來京師寓宣武門外

三十七年壬辰三十歲

在京師春秋佳兄出都冬復來京仍寓宣武門外是
年余入宛平縣籍以府試第一補博士弟子員府丞
為日照卜先生名宣一乾隆己未科進士學使為安溪李綱
齋先生名宗文乾隆戊辰進士官禮部左侍郎

三十八年癸巳三十一歲

在京師時朱蔬枰姊夫於去夏成進士留都即於是
冬接春北來寓居密邇彭朱兩姊時相過從余每夜
分侍話羨親戚之光榮憶家門之凌替此際此情不
覺肝腸迸裂矣有與彭氏姊朱氏姊夜話詩三十韻

載恭壽堂詩集
冬應科試二等是年秋崖兄在京寓朱蔬枰

姊夫家

三十九年甲午三十二歲

在京師秋八月應順天鄉試中式第一百七十名座

師為少宰新建曹地山先生名秀先乾隆丙辰科閣

學蒙古嵩撫棠先生名貴乾隆辛巳科進士官房師

為國子監學正己卯孝廉秀水汪鹿園先生名如藻乾隆乙

未進士心編修時彭鏡瀾姊夫女壻葉丑名元符字根天乾隆

官山東督糧道甲午科舉人巨河初就婚京邸與余同榜中式外甥
南汝宣府知府

希范亦中式南闈鏡瀾夫婦喜動顏色全數載京華
幸邀寸進教誨成全實彭鏡瀾姊夫之六也賢郎快
壻南北聯鑣親串置酒稱慶咸以為獎拔單寒之報
云是年秋崖兄仍寓朱蔬梓姊夫家

四十年乙未三十三歲

在京師春三月應會試中式第七名座師為大司馬

無錫嵇尚佐先生名璜雍正庚戌科進士官大學士少司寇韓城王

偉人先生名杰乾隆辛巳科進士官大學士副憲滿洲阿雨齋先生

名肅乾隆甲戌科進房師為滿洲博濬川先生名通阿

士官吏部左侍郎

正癸丑科進士余卷為大總裁松公所激賞擬元五
官侍講學士

日後以頭場文太冗長易江南卷曰嚴福嚴君現官

中翰

殿試前列與館選焉余

殿試第三甲十八名

朝考未入選引

見奉

自歸班銓選余春秋僥倖聯登報人索酬家中以無以應賴

從祖容齋公名含光開囊料理竝寄銀兩寓俾為刻

硃卷會同年誦費手書數百言慰勉再四有前得

音使愚喜大兄

謂紫濱公

大姪

謂敦人公

而後克曰書香者幸

有人矣之語容齋公為辛齋公同母弟居亦政堂

厚謙和族人矜式與辛齋公競爽焉是年春秋崖兄

出都門往山東夏初得石樵兄肅州山問先是辛外

年余北行後石樵兄偕王賈游河南陝甘癸巳年還

家旋即西行去冬病歿酒泉旅次今春靈櫬過歸余

與石樵兄幼同塾長同居年來化離鄉井流宕天涯

蓋為名利所牽絆乃余方濫廁茲榜兄竟歸道山判

袂河干頓成永訣老母寡妻幼子茹荼集蓼將何以
堪所由俯仰悲懷潛焉出涕者矣為賦長律二章哭
之載茶壽堂詩集秋七月余買舟南下過德州晤秋崖兄於
糧道署一宿而別九月抵家外舅吳鶚夫先生從遵
義幕中初歸凝齋兄久住淮安去秋河水漲溢移居
蘇郡僦居城南冬綠筠兄亦北歸吳居凝齋兄處

四十一年丙申三十四歲

里居夏六月十七日辰時次女生秋七日從祖容齋
公平公為人誠而恕惠而寬有以急難生者悉應之

而無德色益所賴以比覆者多矣素體豐血年未六
旬至是忽以疾卒余哭之慟為賦輓詩四章載恭壽堂詩集
傷哲人之頓謝痛宗望以奚親固不第志余一人之
私感已也冬建立旗杆於長涇廟先曾祖坦庵公墓
吳家橋先祖紫濱公先府君教人公墓十月游山東
謁表兄章二格先生名崇乾隆己卯科舉人官山東鹽運使時秋崖兄
適在濟南因同寓焉

四十二年丁酉三十五歲

在山東學使者秀水錢韓石先生

名載乾隆壬申科進士官內閣

學士兼禮部侍郎

邀余至署校閱課文先生為浙西老名士

詩文書畫諸品兼工而覃思聲韻之學尤稱神妙獨

到凡平仄虛實陰陽翕闔間推敲不差秒忽每與余

樽酒細論咳唾皆珠玉也余竊喜窺見前輩擅場秘

鑰庶不虛海岱浪游矣秋九月還家時凝齋兄又徙

居淮安綠筠兄寓居齊門外金氏姊家冬杪刪定石樵

兄遺兄詩為撰序一篇戴恭壽堂文集

四十三年戊戌三十六歲

是年設帳汪日石姊夫家為課外甥登泰府香石

從城外遷居。內舊學前姊氏物故十餘年矣。春樂安本夫敘傳一卷自始祖道元公至先府君敦人公以世系相次仿班氏漢書體例而加變化分之則統為編年述祖德以勗後嗣余於是書有深意存焉

四十四年己亥三十七歲

家居課兒士鈐及石樵兄次子士鈺姪時鈐兒年十歲四子書已卒業方誦國風余辛卯年北行時鈐兒纔生半載癸巳年四歲內子即自教以識字及千字文大學等書乙未年六歲乃延師授讀石樵兄既歿

兩姪士鶚士鉞並令同學昨春士鶚姪承嫂氏徐孺
人命改習布業生理故惟士鉞姪在書塾汪甥登泰
仍從余游亦來州學焉春正月二十_四日子時次子士
鑑生是年春秋崖兄嫂韓孺人卒秋外舅吳鬻夫先
生以疽發於背驟致不起余留內家月餘與諸舅經
紀喪事鬻夫先生人品端嚴學問淵雅書法尤工既
絕意進取乃橐筆遨遊諸幕府間益精研天下吏治
族黨中薰蒸而成就者極多如從弟吳許熙名克有
聲黌序亦以_三書引重於時從弟吳洪會_二子吳_一

域咸員幹濟才先後服官粵楚顧先生年僅中壽歿
由奇疾諸郎又貧弗能振拔何命之哀而身之阨遽
至斯乎天佑善人此言殆未足據矣冬汪錫登泰科
試入元和庠

四十五年庚子三十八歲

雲臬汪芝崖先生

名圻字紹震江蘇吳縣人汪錫登
乾隆壬申順天恩科舉人

泰之從祖也延余主家塾為課七八兩令嗣既而芝
房罷官會余會試座師少宰韓城王惺園先生視學
浙中招及門襄閱課文余遂赴杭州使署是年秋綠

筠兄卒

四十六年辛丑三十九歲

在浙學使署惺園師以春仲按部冬杪旋轅余於夏
間暫假回家終歲追隨師使節因得遍閱浙東西佳山
佳水亦生平壯游也是年秋九月二十七日酉時第
三女生時余在溫州試院

四十七年壬寅四十歲

春初為鈐兒定親朱氏年十三歲生於壬寅十二月
初八日子時與鈐兒同庚連襟朱紫庭名汝睿字允思之以

女也先是紫庭於辛卯年與余後先出門幕游黔省
至其冬始歸重教夙好復締新婚焉二日余赴杭州
夏五月回家時內子挈諸兒女歸寧內家忽次兒士
鎰感患痘瘡既瘥而更生痘毒竟致不治余歸兒死
已二日矣是兒岐嶷特立頭角嶄然而顧以倉猝夭
殤余并不及親見之良可痛也作五律一首哭之載
壽堂詩集士鎰乳名小官人後甲辰年并為撰小官人傳
載恭壽堂文集於時惺園師擢授總憲還

朝浙學使繼任者為諸城竇東皋先生

名光鼎乾隆壬戌科進士官吏部左侍郎

仍延余在署留一月辭歸家居課徒乃為鈐兒指示
舉子業

四十八年癸卯四十一歲

是年春余驟生疥瘡漸潰成膿沿及周身家人輩靡
不沾染交秋後乃獲痊諺云年災月晦余素多疾從
未有甚於此者自是精力益委頓不支杜門經歲貧
病相憐而硯田遂荒落矣

四十九年甲辰四十二歲

初朱蔬枰姊夫以總理四庫書局由中書授官翰林

去年丁尊人下甫觀察

名履忠字彤表
官天津巡道

外歎歸姊以

亦於是年先物故疏枰率諸甥兒女僑居吳郡令春
邀余移旼其家課二甥元載余兒士鈐從夏鈐兒應
童子試不售秋朱甥元載以縣試第一入長興縣庠
冬余需次赴都門會彭氏姊病歿京邸鏡瀾姊夫丁
尚書公

名啟豐字翰文號芝庭雍
正丁未狀元官兵部尚書

外憂先回籍姊氏

靈輶首途適秋崖兄在京師鏡瀾倩其料理南下值

余正北行過於潞墅關外登舟拜奠拊棺號慟不禁

淚徹痛腸既感恩復歎逝也為賦輓詩四章

載恭壽
堂詩集

冬至月余抵都門寓朱蔬枰姊夫邸第時大甥黼華
校勘江浙三分四庫全書其眷屬仍留寓宣武門外
北半截衚衕余故得賓至如歸云

五十年乙巳四十三歲

在京師瑟居無事恒偕同寓諸君子為朋酒之會蓋
是時朱甥黼華以校讐繁夥勝友盈軒游藝圃而蹕
詞壇者已畧盡東南之美矣撰旅食瑣言一卷偶有
會心聊爾載筆殆亦竊取說部之緒餘耳

五十一年丙午四十四歲

是年春二日簽掣福建晉江縣夏四月春

旨調補陝西永壽縣向例前月下漸選官後月二漸引
見此次因

聖駕春初巡幸五臺春杪回鑾故二三兩月官統歸四月吏
部帶候

欽定永壽縣缺於三月既望始到部設余於三月初旬已蒙
聖明鑒別縱不獲南游甌越亦未必西度潼關也飲啄莫非
前定謬言其信而有徵耶秋七月赴永壽縣任九月
汪香石姊夫士鐸姪從南中來余單身就官客乍萍

逢僕都烏合自香石到後分條析縷諸事經畫咸宜
冬十月充本年陝西武闈鄉試受卷官十二月迎春
屬至署中並挈朱氏媳偕來遂為長兄士鈐受室媳
翁朱紫庭內兄吳甸尹內弟吳緯客僉同莅止於是
香石襄理案牘紫庭代司會計士鶚姪左右其間鈐
兒則仍讀書縣齋旋命其受業於廣文張君名培乾
隆辛卯
科舉是年秋崖兄卒

三十二年丁未四十五歲

在永壽縣任縣當陝甘孔道星轅旁午迎送紛如

斯邑者山路崎嶇往來必資馬力余素未嘗善騎自
客秋下車後鞅掌莫遑馬上之日居多而駘控縱送
積久漸馴夫人逸則精神渙而翫時愒日之風成矣
勞則筋骨堅而畏難苟安之念絕矣以是知馳驅無
非戮力鞍鐙即可效勤至云南人乘船北人乘馬習
俗移人又烏足為定論哉是年凝齋兄卒

五十三年戊申四十六歲

在永壽縣任春二月初一日戊時長孫女生秋延太

倉王半庵

名開沃江蘇
鎮洋縣貢生

重修縣志按永志修於康熙

初距今百有餘年徵文考獻月異而歲不同豈張西

屏

名焜江西南昌縣舉人前永壽知縣

後竟無嗣音者乎卑庵學博而

詞瞻甄綜羣籍累累如貫珠余則於體裁斷制之間

力求其整齊畫一於是晨昏辨析風雨咨商務成善

本云縣署舊有土地祠傾圮殊甚余為庀材鳩工重

加繕葺冀神宇攸寧而官司之執事於其間者咸肅

觀瞻而暇奏假焉有修理土地祠記

載恭壽堂文集

縣民恆

務農即黌序之士每耕與讀兼為文率割頭粗服絕

少冠裳佩玉

札象於以投時而榮世也基雜

本朝自康熙年間舊志所載發解者不過己酉科任者李羅
萬傑壬子科王緯三人乾隆年間有癸卯科張德聚
一人余輒假簿書閒暇偕邑人士劇論科舉文字諸
生亦樂從余言相質披文蒸蒸然日有起色先是

聖諭以五十五年為

八旬萬壽

特命移己酉庚戌鄉會正科於戊申己酉俟己酉庚戌

詔開恩科鄉會試是秋陝西鄉試榜發侯生建官中第四名
張生德亨中第十六名兩生皆食餼永庠德亨即德

聚第侯生故嘗請業於余者也冬校刻肯庵試帖第一卷為自序一篇載恭壽堂文集是年凝齋兄嫂程孺人卒

五十四年己酉四十七歲

在永壽縣任縣介銜衢節使經過兼有新疆藩服如
年班人

覲堪布喇嘛伯克回目以每歲冬初來夏初去沿途照例供
支示

土路之蕩平昭

市圖之鞏固俯各指堅垣墉皆地方有司之責也永壽戎小

而圯厯有年所余因詳請上官借廉修補厯幾強九
黑子與大邑通都竝著版築雉堞之殷焉春正月奉
委代理直隸州旋卸事又奉文經徵五十二年地丁
錢糧全完淮紀錄一次三月學使者邱芝房先生名廷
濬順天宛平人乾隆壬辰進士官編修科試邠乾以十二年輪次選貢
取士如額永壽選拔貢生張玉梁既入選復請執贄
受業於余余乃招致縣署命與鈐兒同學秋九月奉
委署理西安府盩厔縣事冬十月赴署任是月充本
年陝西武闈鄉試受卷官十二月奉文經徵五十三

年地丁錢糧全完淮紀錄一次是年春三月汪香石
姊夫辭歸香石先於癸巳年援州運例授職令將計
偕北行簽掣效用嗣分發湖北省補羅田縣尉是年
秋庶母徐太孺人卒徐太孺人為石樵兄生母士鶚
姪生祖母高年久病石樵兄嫂徐孺人屢寓書促士
鶚姪還家省視士鶚姪遂於秋七月中由永署策
蹇南旋詎歸而徐太孺人已於七月十四辭世士鶚
姪既經理喪務隨於十月初奉母命從士鶚授室明年
夏四月仍來永署焉

五十五^{年庚}五戌四十八歲

春在盤屋縣署任三月恭逢

恩詔加一級二品多能文之士縣故有對峰書院諸生肄業

其間余每月命題校課嘗欲掇課文之尤者點竄而刊錄之以示舉場正鵠俾操觚家審所嚮方惜余代庖日淺官轍靡常竟未及為此矣夏初奉文仍回永壽本任山陬斗署令故^吾猶故吾耳四月初八日未時長孫清梁生是年永邑夏禾大稔收成十分六月間署中驟感時疫媳朱氏暴卒孫女復相繼而夭新婦

年少而德嫻婉婉聽從極能佐內子經理家政蕙心
蘭質一旦銷沈悼空華之遽散悲弱息之僅存為著
輓聯云四年為婦怡顏事兩月生孩撒手行蓋實錄
也遂為撰刻家傳并孫女像贊載恭壽堂文集永壽縣志
修成集工雕版新志始事於戊申秋屆今二年屬王
半庵秉筆編纂緣半庵掌教醴泉書院纔兩次至縣
齋脫稿夕從郵筒緘寄間有義例未協處余輒安下
雌黃仍寓書訂定書凡十卷視前志加詳更番較覈
差覺言簡事心今年來於此志大費心力云辛亥年

為作永壽新志自序載恭壽堂文集至癸丑年纂本工竣刻
堅香詞一卷為自序一篇載恭壽堂文集余近復自號為堅
香居士永堅如石香如蘭之義也

五十六年辛亥四十九歲

在永壽縣任是年建火神廟於縣城內東北隅永邑
向無火神廟亦鮮火災前戊申年春正月朔忽民廬
遭回祿余因力圖創造敬效祈禳會移篆恆州經營
未就至是始落成當創建火神廟時竝議建文昌閣
緣戊申年省試永士人有獲雋者故欲舉文明之象

衆著之冀我永科第之蟬聯而鵲起也祀火廟以捍

災祀文昌所以迓福有新建永壽火神廟文昌閣合

記載恭壽堂文集

夏四月彭鏡瀾學士姊夫以疾卒於京邸五月

山間北來老成殂謝遠近悲思而余尤夙荷恩私誼

殊疏屬撫今追昔感痛涕洟為賦輓詩四章載恭壽堂詩集

秋八月為鈐兒續姻楊氏媳年二十二歲生於庚寅

十月二十九日酉時原任藍屋縣翊亭楊公名儀字振六直隸

新城縣人孫女山西布政使司經歷楊君名勸隆甲子科舉人德字

適長女是月不委署理西安府醴泉縣事九月赴省

任是時西藏廓爾喀滋事兩廣制府大學士公祜公

康安奉

命督師進勦取道陝甘由西寧出青海口冬十一月行經醴
泉縣至明年春正月大兵次第過境畢是冬偕內兄
吳甸尹率僕舁故媳朱氏故孫女遺櫬旋里時內弟
吳緯客久留余署無所事事因令與乃兄偕行緯客
為外舅吳鰲夫先生少子愛憐特甚先生在日即為
結婚盧氏茲緯客年已逾壯婚配失時苦余官橐蕭
然莫能扶助內子為節數年糗餌粉餐之費得白銀

五十金贈之歸俾克有室家所以慰吳鰥夫先生夙
願也是年始編詩集自己邲至庚戌共三十二年刪
存古今體詩五百三十首作恭壽堂詩序集自序一篇

載恭壽
堂文集

五十七年壬子五十歲

春三月奉文卸署醴泉縣事連襟朱紫庭暫假歸夏
五月仍回永壽縣本任初兒子士鈐天分極高亦頗
嚮學四歲讀書十三作文洎隨任後猶不廢學輟造
詣可冀有成不料庚戌年喪偶以來心神替亂息意

詩書任余督責而終弗顧矣此子究非金花榜帖中
人物殆有天数存乎其間非人謀所能矯制顧人生
不可一日閒設任其頽然自放不務不根匪但邁種
難期兼恐謀生乏術因思積日累月隨事盡心便有
安身立命之處遂命其偕同堂兄士鶚姪稍練習官
書凡墨入朱出咸寓目焉所以策其勤勗防其暇逸
此余不得已之隱衷也惟是余家舊德相仍文章貽
厥七世祖清流公諱育馨字明琅號由長洲庠生中
連城別號皆我
前明隆慶丁卯科舉人官福建清流縣知縣六世祖

厥煮粥療饑余於縣城內城隍廟及縣屬監軍鎮香山寺設廠兩處貧民老幼男女來就食者日各以千

計自秋七月開廠至明年春二月撤廠是秋偕同官

倡捐大修惠民泉自為文記之

載恭壽堂文集

惠民泉者宋

呂公大防令永時所疏濬也永治環山井泉最闕大

防於縣北十里分水嶺南甘水之源掘泉導渠入城

世稱呂公渠屢廢屢修永民至今賴之余因編輯呂

公渠志一篇復為自序

載恭壽堂文集

俾埭南幽邑乘以行

至乙卯年始畧定鐫版冬十月二十日辰時次孫清

憲副公諱燦字韜仲號雉園晚號慕皆由長洲庠廩膳生中前明天

啟辛酉科舉人崇正戊辰科進士授浙江餘姚縣知

縣歷兵部武選司主事職方司員外郎武選司武庫

司郎中天津兵備道五世祖公藩公諱垣字師長洲維號公藩

庠生高祖佚圃公諱之達字雲九號佚圃蘇州府庠生曾祖坦

庵公注見前吳庠廩貢生祖紫濱公注見前由嘉定庠生

中康熙壬午科舉人父教人公注見前由吳庠生雍正

丙午科舉人乾隆己未科進士官內閣中書余亦由

順天府庠生乾隆甲午乙未科鄉會試中式起家祿

令其間一矜竊行八葉芳遺而登桂苑游杏園者洎
流憲副既父子追蹤紫濱公逮余又三世接踵迺以
豚犬不才竟致鯢鵬失望前光遏佚後顧彷徨繼自
今我子孫或椎魯樸鄙寔為齊民若驕淫矜誇尤屬
敗類易云積善之家必有余慶孟子云君子之澤五
世而斬三復聖賢明訓余直汗霑涕出慄慄焉履虎
尾而涉春冰已是年陝西咸寧等二十九廳州縣秋
禾受旱永壽收成五分有餘勘不成災而緩征出借
平糶均如例遵行竝奉大中丞芝軒秦公令捐貲設

照生

五十八年癸丑五十一歲

在永壽縣任是年重修先農壇建文昌閣於縣城外

南關東偏有永壽縣文昌閣告成記

載恭壽堂文集

秋撰

普渡寺靈湫志一卷承大中丞秦公之命也中丞公以

去年陝境受旱益廬念民依偶春夏雨澤愆期飭屬

齋心虔禱並舉各舉境內祈雨靈應處所輯成專書

永壽觀音普渡寺在縣西五里堅固莊菩薩下有靈

湫禱雨極應余志成并為自序

載恭壽堂文集

錄本賁呈幕

府用備采風中丞公劇咨賞焉有體例精嚴文詞古
雅之譽士錡姪將母乞歸旋連襟朱紫庭復來永署
以
於撰述身勵志千字文一帙翻辟周興嗣原本無一
字依舊鉤章棘句頗極組織之上案後漢李諧有述
身賦晉張華有勵志詩舉此四字標名余所為歷敘
其生平而彌自勸勉也復撰題辭一篇爰誌緣起并

簡端焉載恭壽
堂文集

五十九年甲寅五十二歲

在永壽縣任且一年重建關帝廟永邑關帝廟在縣城

南門外山巔殿宇湫隘且年久日就傾頽舊時僅正
殿一間大門一間無後殿有饗殿三間極小每祭祀
時執事人稠幾窄不容趾余乃即其基址而重締構
焉樸斲丹雘煥然一新擴正殿大門竝為三間增立
後殿三間改置左右游廊六間撤饗殿而闢殿中庭
廣大寬平由是駭奔對越濟濟蹌蹌庶可仰安神棲
於淵穆矣有重建永壽縣關帝廟記載恭壽夏校刻
堂文集
普渡寺靈湫志成書秋八月元本年陝西鄉試文闈
受卷官冬十月第三女許字陝西布政使司理問邵

君名敬修次子景修是月晦日內子吳孺人以病卒

於官署內寢吳孺人恭儉明慈允臻婦德自歸余家

敬祖宗和族黨相夫教子以及牖戶綢繆采鹽零雜

舉凡一言一動悉以禮法自閑至其耽研楮墨酷嗜

縑緙特餘事爾與余伉儷垂三十載旁無媵妾下有

兒孫舉案齊眉備極天倫樂事顧以余薄宦銜途支

撐竭蹙孺人目擊心傷飲食日減精神日銷致成不

治之疾孺人之棄余耶余之負孺人也嗚呼痛哉於

是忍淚和墨為撰刻家傳一通

載恭壽堂文集

自冠筭及結

縉以至易簣時^聲歎容儀纖悉具載至四千六百言
情之所鍾語剌剌弗休不自覺其辭繁而義複焉自
後感時思舊託興閒吟大半為悼亡之作矣是年春
石樵兄嫂徐孺人卒

六十年乙卯五十三歲

在永壽縣任春正月十一日申時第三孫清鴻生夏
四月士鶚姪攜其妻子自蘇來永余孤居一室半載
於茲鈐兒及士鶚先後為無母兒於是余父子叔姪
皆相向哭失聲六月建惠民泉神廟呂公祠張公祠

於縣城內東偏惠民渠創自呂公而泉通實由神貺
此泉神廟呂公祠之建所以徵潤物之靈而等濟川
之績也其宋以後繼修諸公以次配饗呂公祠至張
公為

國初賢令治行第一顧未入祀名宦是不可不聲立專祠式
昭道愛廟與祠即在惠民渠旁隙地仰瞻奕奕俯瞰
涓涓俾居民汲飲往來者羣知水德之靈長而弗敢
一日忘所自焉是年陝西咸甯等四十廳州縣秋禾
受旱均勘不成災永壽收成六成經

大憲入

奏照例加意撫恤。隨奉文停緩錢糧。倉糧冬十一月續媳楊氏病卒。媳性格柔順。形體亦厚重。事翁姑執禮甚恭。自令正分娩後。迨春夏疾作。後益甚。纏綿數月。遽痛歿。亡計前媳自丙午冬。子歸至庚戌夏病歿。續媳自辛亥秋。子歸至乙卯冬病歿。珠沈玉碎。先後均不越五年。吁可怪矣。為著輓聯云。泉下戲隨姑笑語。牀前慘覩子悲啼。余年來憔悴淒涼之況。具見此二語中。復為撰刻家傳。戴恭壽冬杪注三字經四卷并為自

序戴恭壽此注亡妻吳孺人之意也憶癸丑冬余撰

述身勵志千字文孺人劇欣賞焉以為千字文三字

經皆幼學所當誦習因屬余撰三字經注以資訓蒙
課孫之助余遂於甲寅春取書編綴至是草稿粗定
而孺人顧長逝歲餘滄茗細論篝鐙展讀此境渺不
可復追矣

嘉慶元年丙辰五十四歲

在永壽縣任是年正月朔日

皇上傳位為

太上皇帝

皇太子即位為

皇帝初乾隆四十年以來屢有屆六十年後
歸政諭旨至昨年秋九月遂

冊立

皇十五子為

皇太子

詔以明年為嘉慶元年獻歲元朝

上儀茂舉

大廷授受薄海臚歡永壽紳耆士庶籲請於履端之吉在
縣署開場演劇於以申

景鑠而祝

皇釐益巷舞衢歌至於三晝夜元宵前後數日金吾弛禁竹
馬交馳鐙火駢闐魚龍曼行為下邑從來所未遘實
羣黎悃忱所自輸際茲

復旦重光洵屬千載一時之

嘉會矣夏校刻呂公渠志成書秋續修永壽縣志餘二卷
付梓前余既重修永壽縣新志以年來近事日夥諸

卷疏略頗多復輯志餘以補其闕由是永壽縣新志
永壽縣志餘普渡寺靈湫志呂公渠志都為一書統
名曰古豳四志藏版本衙造冊交代徐侯後人踵事
之用備當采風之數書者為余十餘年心力所萃鑽
研故紙結習未蠲匪敢曰仕優則學也

先二月因湖北教匪滋事附近陝西邊隅制軍宜公

前往商於一帶彈壓并調西路各營官兵道經永壽

縣至七月賊氛漸退遠制軍即回蘭郡冬十月川匪繼

起宜制軍帶領大兵復往進勦並運送火藥鉛丸火

繼絕戰箭等項陸續過境年來未嘗少間秋九月遣嫁

第三女歸邵氏注見前

二年丁巳五十五歲

在永壽縣任正月次孫清照以久嗽成癆而死余既

作絕句十首哭之

載恭壽堂詩集

復作小傳并為遺像贊

載恭

壽堂文集冬十月奉調解送協甘京餉自潼關接收至州

交替十一月望間旋署維時第三孫清鴻忽感時疾

越數日大殤余為傳略一篇記之

載恭壽堂文集

十二月復

奉上官檄調接運四川軍餉隨起身前往潼關歲暮

還銀至省即於省中度歲云

三年戊午五十六歲

正月在省滯留十餘日旋解銀至鳳郡復稽數日因
棧中賊氛逼近大道未能疏通至二月初旬始抵留
霸廳詎聞賊匪擾近廳治之南前進既不能而留霸
又無城垣可守於是重價僱人夫連夜將餉銀北運
次晚仍回鳳邑守候月餘始行前進四月初差竣回
署馳驅數月用及千金之外然余往返棧南北得徧
閱山水且時逢春令品彙昭蘇因為雜詠八十首命

之曰神宣游草并著雲棧紀程一卷珣後自寶雞至
神宣驛地必誌其名里必稽其數輒然畢載庶為不
虛斯游爾夏四月奉到先府君敦人公先妣慕太孺
人先生妣方太孺人及本身竝亡荆吳孺人

勅命二軸秋七月為鈐兒聘定同鄉宋氏為繼媳係現任

甘肅鎮原尉宋公

名思忠

之次女八月充本年陝西

鄉試內簾官中式正榜連夢榮等八人副車王仲宣

等二人冬十月第二女許字陝西吳堡尉江

號

長子